



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Notæ In Notas Willelmi Wendrockii Ad Ludovici Montaltii
Litteras, Et In Disquisitiones Pauli Irenæi Inustæ**

Fabri, Honoré

Coloniæ, 1659

Nota II. Ecclesiæ leges desuetudine abrogari.

urn:nbn:de:hbz:466:1-39536

confessionem publicam persuadere velim, quam à vobis, Censuræ Sorbonicæ, Episcoporum Decreta, Constitutiones demùm Apostolicæ extorquere hactenus non potuerunt. Vnum tamen rogo, aut saltem moneo, ut cum de aliquo puncto Juris Canonici vobis disputandum erit, Lexicon saltem & vocabulorum indicem consulatis, ne artis terminos & prima rudimenta ignoretis, & quispiam severus Canonista tritum illud occinat, *ne sutor ultra crepidam*. Escobario etiam fœdè imponis. Ab Apologista ita hujus calumniæ convictus es, ut vel mutire vel hiscere pudeat; Bonacinam & alios ab Apologista citatos, * quos per contemptum, leguleios vocas, scilicet Bartolum, Ambrosium, Farinacium, Peregrinum, Genuensem, Cajetanum, Probum, Ancaranum, Immolam, Suarez, Menochium, Julium Clarum, Covarruviam, Mascardum, Gutierrez, immò Clementem VIII. tam graves, & tanto numero auctores, nullius auctoritatis homines esse dicis; ut iis nescio quem Menagium inter auctores classicos innominatum opponas, & Mosæica præcepta nobis obtrudas. Et hæc dicere, hæc scribere non vereris? O tempora! ô mores! est tamen quodd tibi facilius ignoscatur, qui stylum dumtaxat & latinitatem primariis hujus sectæ mystagogis non gratis quidem, sed pretio locasti.

N O T A I I.

Ecclesiæ leges desuetudine abrogari.

DE legibus humanis, Civilibus, & Ecclesiasticis, quæstio est: quas desuetudine abrogari, nemo sapiens, nemo doctus, nemo, qui rem intelligat, neget. † De antiquis pœnis, quibus blasphemi olim

* Pag. 131. † Pag. 131.

subjiciebantur, litem Filiutio moves; quod scriptum reliquerit, omnes illas in usu amplius non esse. Quis hoc negat? quis non videt? experimento vestro facile probarem, qui blasphemias illas voces toties fudistis, aliqua Dei praecepta sunt impossibilia: Christus pro salute duntaxat praedestinatorum mortuus est: non tamen blasphemorum poenas tulistis. Hic quoque Mascarenham perstringis, eò quod dixerit, Sacerdotem nullius reum lethalis noxae, si res ita postulet, rem sacram facere posse: quod sanè, inquis, antiquae severitati aditum obsepiuit. Arnaldi causam peroras, qui & poenitentiam publicam reducere, & fideles à sacro convivio, in quo Christus sumitur, per multos etiam annos remove conatur. Hujusmodi Reformatores Ecclesiae semper suspecti fuerunt. cum vel hoc nomine, sectarii omnes errores suos invexerint; nomen etiamnum praetensis, ut ajunt, Reformatis relictum est. Vnum tamen tecum sentio, antiquorum Canonum usum adversus haereticos restituendum videri, in Gallia praesertim, in qua majores nostri tanto conservandae religionis & fidei zelo tenebantur; ne Janseniana haeresis ulterius serpat. Sed optandum id potius, quam sperandum. Ita enim praesentium temporum fors tulit. Exorandus Deus, ut manum ipse operi admoveere dignetur.



Differ-